



Safonau'r Gymraeg
Trwyddedu Teledu y BBC
Adroddiad Blynyddol 2022/23

Cynnwys

Trosolwg	3
Gweithredu a Sefydlu'r Safonau	3
Cydymffurfio	
Cyflenwi Gwasanaethau	4
Llunio Polisiâu a chadw cofnodion	5
Gweithredol	6
Gweithgareddau Parhaus	6

Cyswllt

Mae croeso i chi gysylltu â ni os hoffech gael mwy o wybodaeth:

Uwch Ymgynghorydd Polisi, Tîm Rheoli Trwyddedu Teledu y BBC
campaignoffice@tvlicensing.co.uk

Mae'r adroddiad hwn ar gael yn Saesneg / This report is available in English

TROSOLWG

Rhagarweiniad

Mae Safonau'r Gymraeg ('y Safonau') yn darparu fframwaith cyfreithiol sy'n gosod dyletswydd ar y BBC, ymhlith sefydliadau eraill, i gydymffurfio â Safonau yn ymwneud â'r iaith Gymraeg, gan gynnwys mewn perthynas â gwasanaeth Trwyddedu Teledu. Mae'r Safonau yn rhoi hawl i unigolion yng Nghymru dderbyn rhai gwasanaethau trwy gyfrwng y Gymraeg.

Mae Tîm Rheoli Trwyddedu Teledu y BBC yn cymryd ei gyfrifoldeb tuag at yr iaith Gymraeg o ddifrif ac mae'n ystyried y safonau yn gyfle i atgyfnerthu hyn a datblygu ymhellach ar ein gwasanaeth presennol i'r cyhoedd yng Nghymru sydd eisoes o ansawdd uchel.

Mae [Hysbysiad Cydymffurfio y BBC](#) yn cwmpasu gwaith y BBC a hefyd waith gwasanaeth Trwyddedu Teledu. Fel sy'n ofynnol dan y Safonau, rydym wedi llunio'r Adroddiad Blynyddol hwn ar gyfer blwyddyn ariannol 2022/3. Fodd bynnag, er mwyn adlewyrchu ei gyfrifoldebau a'i ymagwedd benodol ac ar wahân at drefniadau cydymffurfio a rheoli, mae'r adroddiad hwn yn canolbwyntio ar waith Trwyddedu Teledu gyda'r BBC yn paratoi [Adroddiad Blynyddol](#) ar wahân.

Y Safonau a Thrwyddedu Teledu

Mae'r Safonau sy'n gymwys i Drwyddedu Teledu yn ymwneud â Chyflenwi Gwasanaethau, Cadw Cofnodion a Llunio Polisiâu, ac fe ddaeth y cyfan ond un o'r Safonau hyn yn weithredol yn 2017. Fel y cytunwyd gyda Chomisiynydd y Gymraeg, fe ddaeth Safon 48 yn llawn weithredol o safbwynt Trwyddedu Teledu ym mis Ionawr 2019 (mewn perthynas â thudalennau'n ymwneud â'r cais am drwydded dros dro i bobl dros 74, a thudalennau'n ymwneud â'r cais am Drwydded Deledu am ddim neu adnewyddu trwydded am ddim, i bobl dros 75).

Dylech nodi bod "Trwyddedu Teledu" yn nod masnach a ddefnyddir gan gwmnïau sy'n gweithio dan gontract i'r BBC i weinyddu casglu ffioedd trwyddedau teledu a gorfodi'r system trwyddedu teledu. Mae'r rhan fwyaf o waith gweinyddu Trwyddedu Teledu ar gontract i Capita Business Services Ltd ('Capita'). Darperir gwasanaethau dros y cownter gan PayPoint plc ('PayPoint') yn y Deyrnas Unedig, a chan Swyddfa'r Post yn Ynys Manaw ac Ynysoedd y Sianel. Target Group ('Target') sy'n cyflenwi'r Cynllun Talu Syml. Mae gwasanaethau marchnata ac argraffu ar gontract i RAPP Limited. Mae gwasanaethau cyfryngau ar gontract i Havas Media Limited. Mae'r BBC yn awdurdod cyhoeddus parthed ei swyddogaethau trwyddedu teledu ac yn dal i fod yn gyffredinol gyfrifol.

GWEITHREDU A SEFYDLU'R SAFONAU

Y brif flaenoriaeth ym mlwyddyn adrodd 2022/23 fu gweithio gyda phartneriaid allweddol i sefydlu'r Safonau a sicrhau ymwybyddiaeth ar draws Trwyddedu Teledu.

Arolwg Bodlonrwydd ymhlith Cwsmeriaid Cymraeg

Bydd Capita yn ymgymryd ag Arolwg Bodlonrwydd ymhlith Cwsmeriaid Cymraeg bob blwyddyn sy'n parhau i amlygu lefelau bodlonrwydd uchel iawn ymhlith cwsmeriaid gyda'r gwasanaeth a ddarperir. Mae canlyniadau arolwg 2022/3 ar gwsmeriaid Cymraeg yn cynnal lefelau uchel blaenorol o fodlonrwydd ymhlith cwsmeriaid.

Y prif ganlyniadau:-

- 100% o ymatebwyr yn cytuno bod lefel y siaradwyr Cymraeg yn dderbyniol.
- 100% o ymatebwyr yn cytuno bod staff wedi delio â'u hymholiad yn gywir
- 100% o ymatebwyr yn cytuno bod safon y Gymraeg yn dderbyniol

- Fel y llynedd, roedd sylwadau cwsmeriaid a gasglwyd fel rhan o'r arolwg yn canmol y gwasanaeth a ddarparwyd a chyflymder yr ymateb.

Adrodd a Monitro

Mae tîm rheoli Trwyddedu Teledu y BBC yn gyfrifol am oruchwylio cydymffurfiaid Trwyddedu Teledu â Safonau'r Gymraeg ac mae adrodd bob chwarter ar fetrigau allweddol y Gymraeg ar gael i sicrhau hyn.

Yn ychwanegol at ei adroddiad blynyddol i Gomisiynydd y Gymraeg a'r cyhoedd (a gyhoeddir ar wefan Trwyddedu Teledu), bydd tîm rheoli Trwyddedu Teledu y BBC hefyd yn adrodd ar gydymffurfio â'r Safonau o fewn ei adroddiad chwarterol ar gydymffurfiaid, a anfonir at Fwrdd Gweithredol y BBC.

Hyfforddiant

Er mwyn sicrhau bod y Safonau yn cael eu sefydlu yn niwylliant tîm cyfenwi gwasanaeth Capita, rhoddwyd systemau yn eu lle hefyd i fynd ati'n rheolaidd i briffio staff ar y Safonau a pha gefnogaeth sydd ar gael i gwsmeriaid Cymraeg.

Tudalen we Safonau'r Gymraeg

Mae Trwyddedu Teledu yn parhau i gynnal tudalen we Safonau'r Gymraeg, a gafodd ei datblygu i roi gwybodaeth i'r cyhoedd am y Safonau sy'n gymwys i Drwyddedu Teledu. Yn ogystal â doleri i hysbysiad cydymffurfio llawn y BBC, mae'r dudalen hon yn cynnwys fersiwn wedi'i golygu o Gynllun Iaith Gymraeg Trwyddedu Teledu (wedi'i gymeradwyo gan swyddfa Comisiynydd y Gymraeg) sy'n rhoi crynodeb ar gyfer pob safon sy'n gymwys i Drwyddedu Teledu a sut bydd Trwyddedu Teledu yn cydymffurfio. Y mae adrannau hefyd ar wefan Trwyddedu Teledu er mwyn rhoi gwybodaeth i gwsmeriaid am drosolwg o gydymffurfio â'r Safonau a sut i gwyno am unrhyw dramgwydd honedig dan y Safonau.

CYDYMFFURFIO – CYFLENWI GWASANAETHAU

Trosolwg

Fel y llynedd, bu'r cyfnod adrodd hwn yn canolbwyntio ar sicrhau bod y Safonau wedi'u hymsefydlu'n llwyr yn y prosesau cyflenwi gwasanaethau a sicrhau bod pob system yn cydymffurfio.

Y camau parhaus a gymerwyd i sicrhau cydymffurfio â'r Safonau fu sicrhau bod yr effaith ar yr iaith Gymraeg yn cael ei hystyried yn ystod pob cais am newid o ran newidiadau i bolisiâu a hefyd o ran cyflenwi gwasanaethau. Mae'r ystyriaeth hon wedi ymsefydlu mewn prosesau yn fewnol a chyda'n partneriaid.

Yn 2023, mae Trwyddedu Teledu yn rhoi cyfle i gwsmeriaid Cymraeg gyfathrebu un ai ar ffurf ysgrifenedig neu drwy siarad ag un o'n cynghorwyr Cymraeg. O safbwynt cwsmer sy'n ffonio y tu allan o oriau gwaith, maen nhw'n cael cyfle i adael eu manylion a byddant yn derbyn galwad yn ôl gan un o'n cynghorwyr Cymraeg.

Mae'r wefan wedi derbyn uwchraddiad Cymraeg yn ystod 2022/23. Bellach mae gan gwsmeriaid Cymraeg y gallu i wneud cais am drwydded consesiwn Deillion ar lein.

Cwynion a dderbyniwyd mewn perthynas â chydymffurfio

Yn ystod y cyfnod adrodd, dim ond 2 o gwynion a gafwyd am wasanaeth Cymraeg Trwyddedu Teledu. Roedd un yn ymwneud â'r gwasanaeth a gynigir yn unol â Safon 15 o Safonau'r Gymraeg drwy sicrhau nad yw'r dangosyddion perfformiad yn trin galwadau a wneir yn Gymraeg yn llai ffafriol na galwadau a wneir yn Saesneg. Roedd y llall yn ymwneud ag argaeledd amrywiad iaith Gymraeg o'r ffurflen datganiad NLN ar wefan Trwyddedu Teledu.

CYDYMFFURFIO – LLUNIO POLISIÄU

Trosolwg

Wrth ystyried effeithiau; bydd Trwyddedu Teledu yn edrych ar y newid yng nghyd-destun y canllawiau canlynol:-

- cyfleoedd i unigolion ddefnyddio'r iaith Gymraeg
- trin yr iaith Gymraeg mewn ffordd nad yw'n llai ffafriol na'r iaith Saesneg.

Mae effeithiau ar wasanaethau Cymraeg a'r safonau yn cael eu hystyried yn rhan sydd wedi hen ymsefydlu yn y broses pryd bynnag yr ystyrir newid. Gwneir hyn trwy'r Broses RFC (Cais am Newid).

Mae tîm rheoli Trwyddedu Teledu y BBC hefyd, lle bo'n briodol, wedi defnyddio'r erfyn a ddatblygwyd gan BBC Cymru i asesu polisiäu corfforaethol, a byddwn yn defnyddio'r erfyn hwn i asesu effaith unrhyw newidiadau o bwys i bolisi Trwyddedu Teledu sydd â'r potensial i effeithio'n sylweddol ar aelodau'r cyhoedd yng Nghymru. Ar gyfer mân newidiadau polisi, mae'r dulliau sy'n bodoli eisoes y cyfeirir atynt uchod yn briodol ar gyfer bodloni gofynion y Safonau Llundio Polisiäu fel y maent yn ymwneud â Thwyddedu Teledu.

Cwynion a dderbyniwyd mewn perthynas â chydymffurfio

Yn ystod y cyfnod adrodd, ni dderbyniwyd unrhyw gwynion ynghylch cydymffurfiaid y BBC â'r Safonau Llundio Polisiäu.

CYDYMFFURFIO – GWEITHREDOL

Yn dilyn trafodaethau gyda swyddfa Comisiynydd y Gymraeg, cafwyd cytundeb na fyddai'n ofynnol i gontractwyr a/neu isgontractwyr sy'n darparu gwasanaethau i'r BBC dros Drwyddedu Teledu gydymffurfio â Safonau Gweithredol a osodid ar y corff hwnnw mewn perthynas â'u gweithwyr cyflogedig eu hunain.

Felly, nid yw Trwyddedu Teledu wedi adrodd ar y Safonau Gweithredol, oherwydd o safbwynt y graddau y maent yn gymwys i'r BBC, y mae Adroddiad Blynyddol Safonau'r Gymraeg y BBC yn ymdrin â chymeradwyo.

GWEITHGAREDDAU PARHAUS

Byddwn yn parhau i ganolbwyntio ar fonitro ein Gwasanaeth Cymraeg, i sicrhau ein bod yn parhau i gydymffurfio'n gyson â Safonau presennol a darparu gwasanaethau o ansawdd uchel i'r cyhoedd yng Nghymru.